

民黨死事記第三十五

辛亥以前黨人及辛亥死難者略史七十餘人各爲之傳。遭世喪亂文字失紀其傳而不詳。或名聲昭著竟不烈之士塗肝腦糜頂踵有以震動乎人心故人人奮起也。世之議黨人者往往謂其因革命爲姦利詬誅之而純潔無私殺身殉難者亦多焉。烏能一例視之哉。爰輯辛亥以前黨人及辛亥死難者略史七十餘人各爲之傳。遭世喪亂文字失紀其傳而不詳。或名聲昭著竟不得其事蹟者亦不少也。而疏附奔走者或羈入焉。然黨人之情狀大概可觀矣。作民黨死事記。

陸浩東名宗桂以字行廣東香山父曉帆操航業於上海性慷慨好施與獨生浩東幼聰慧工翰墨精圖畫每見各廠機器輒能繪圖依式構造讀英文八閱月卽能充電報繙譯生尤妙詞令滬上西人一見輒傾慕與訂交浩東與孫文同里時過從互相傾倒於是浩東與文及文黨楊衢雲倡行革命於廣州光緒二十一年九月浩東鬻田產訣母與妻聲言開鑛鳩工人百餘至省城給紅帶爲識約期縱火焚官署大掠充軍實事前一日爲巡防統領李家焯所聞掩捕之浩東先得訊說文走文因得脫險於廣州文旣行浩東復入城語同志分

途走而捕已至遂被擒南海令李徵庸問供歔歔歎息
泣數行下飭人衣以長衣揮淚斬之時年二十六與浩
東同死者有朱邱程三人亡其名

唐才常字佛塵湖南瀏陽拔貢生貌雄奇魁梧爲文一
灑千言汨汨不窮甲午後創湘學報言變法與梁啟超
時務報並風行海內而持論雄邁尤過之一時學者風
氣得以轉移

借賓
定主

戊戌政變時務報湘學報皆輟行譚

嗣同死康有爲梁啟超走日本既有爲在海外募鉅資
謀起事則招才常至日界以訾使在滬創中國獨立學
會而以東文學社爲名延攬豪傑圖大舉才常乃命湘

人林圭傳良弼黎科潛與湖南哥老會首馬福益李雲彪楊鴻鈞及長江青紅幫首領徐寶山辜鴻恩等相結招集會黨數萬人并與黨人容閔容星橋狄楚賢輸運軍火儲漢會庚子亂清帝西狩才常乃乘機來漢起獨立軍初有爲印富有票數萬張給會友爲識并以鉅資分給哥老會首領馬福益等貲不均李雲彪楊鴻鈞聞之不悅思去而辜鴻恩則別散貴爲票李和生則別散回天票白樹一幟富有票貴爲票回天票充斥長江上下游由是事漸洩湖廣總督張之洞密偵之於是才常林圭傳良弼黎科同被捕之洞親鞠才常愛其才欲囚

而不殺而巡撫持不許四人同戮死

林圭字悟庵湖南湘陰人時務學堂學生少師譚嗣同
仁學佛學又心醉盧梭孟德斯鳩諸學說嘗以美洲之
共和法國之革命奔走號召戊戌政變嗣同死圭倉皇
自上海譯書局歸哭謂人曰中國流血自譚君始我承
其後矣自是書空咄咄如有所失既康有爲唐才常謀
起兵日人平山周至圭家請與長江上下游哥老會相
結圭遂東渡爲三島豪俠白浪滔天等所契重及歸平
山周贈以寶刀因挾貲返漢倡辦政治學校藉集黨人
而潛運槍械及戰利品編立自強軍萬人圖大舉擘畫

既經年會各國聯軍入都清帝西走圭奮然曰虎離山蛟出潭易制矣時哉不可失乃電促唐才常到漢部署南軍將發事覺與唐才常傅良弼黎科同死時年二十六

鄭弼臣廣東惠州人三合會首領孫文創設興中會鼓吹革命結弼臣爲會員文資其力得不匱乏己亥庚子間文欲在粵舉事而苦無因乃說弼臣潛赴惠州招會黨相機起事文供其餉械弼臣卽糾合千餘人屯三洲田山寨待大舉而器械餉糈訖不至舉事期因再緩事爲大吏所聞遣兵備之既進至沙灣將攻山寨弼臣不

得已遂率革命軍乘夜襲官軍官軍潰走再破敵於佛子坳擒其將杜鳳梧奪洋槍七百支三合會投效者日益多因進攻永湖提督劉萬林負傷復進攻白芒花眾將萬人再進至崩岡與敵軍七千隔河而陣及至梅林孫文忽來電云形勢已變外援難期軍事司令自決進止三合軍聞之多潰散弼臣大懊喪仰天大哭解甲遁南洋匿不見人數月病死

據事直書情無不顯所謂參之太史公以著其潔

語

詳革命源流篇中

畢永年湖南人當甲午戊戌之交日本民黨犬養毅等思亂我遣平山周至中國招黨人至烟台遇永年偕遊

天津北京奔走革命會戊戌政變孫文康有爲皆欲與
哥老會結樹黨援而爲之聯絡招致者永年也後哥老
會首領李雲彪楊鴻鈞等至香港與孫文不協永年恥
見騙恚甚赴羅浮爲僧改名普航抑鬱卒此處着一口
字爲陸浩東
鄭弼臣二傳之結
晶微而顯志而晦或曰永年實未死仍居橫濱營商業
待時然自辛亥以來寂不聞疑卒羅浮爲信出以傳疑
之筆其訣
亦得自
史公永年之至日會菲律賓獨立其統領亞其那爾
先福建人孫文命永年率壯士投獨立軍助亞其那爾
戰數月援絕歸人以是稱其勇也以軼事作結頗有事
外遠致收句韻味悠
揚

熊成基安徽人安徽礮隊隊官光緒三十四年清德宗及孝欽后相繼崩黨人宋玉琳范傳甲李朝棟說成基乘機爲變時南洋軍湖北軍方集皖秋操成基亦以爲人心騷動我軍先發他軍可相繼響應卽部署各軍於十月二十六日夜同起至時營長陳昌庸不從手刃之初成基與隊官薛哲約在城內響應及期城外舉火馬隊俟城下久之無聲成基知哲負約乃至臨江寺高阜上以大礮擊城內會江防營兵船至與城上兵夾擊之成基敗走范傳甲李朝棟均被獲戮死宋玉琳逃成基既敗走久之至吉林會貝勒載洵自英歸成基念久亡

命無已時。遂與黨人石德寬、喻培倫同要擊載洵。不中。被擒。戮死。成基供詞述革命本旨及安慶起兵方略。致敗。原委洋洋數千言。甚可觀。人謂與太平天國李秀成供詞等也。

李朝棟。安徽合肥人。生七歲而孤。家酷貧。母錢氏撫之。艱難成立。後赴安徽學武備。卒業後。所如不合。不後已。入礮營充正目。與熊成基結盟起兵。而城內外不能相應。事敗。成基北走。出榆關。朝棟歸營。慷慨不去。偵吏畢大懷捕之。獻於巡撫朱家寶。朝棟抗聲詈家寶爲人道賊。並宣布起義本謀。卽被戮。年二十八。母錢氏年六十。

餘無他子女爲傭以生時人哀之後辛亥十一月民軍請於安徽都督孫毓筠改葬朝棟東門外公園樹之華表

何自新名見田號季達湖北黃岡人少任俠放蕩不羈其友畢惠康以醉俠呼之故又號醉俠自新少失怙其季父質夫令就學年十七補諸生爲文下筆千言師友爭以科第勗之而自新殊不屑舉子業時清政日非外侮薦至自新以世亂未有已欲摧舊政更張之當自學說始乃著書立說於民族人權之義三致意焉自新性磊落謂士類不足語宜從屠沽市井間求豪士

提掇有力史漢

常法後世史使人閱之欲睡者坐不知此而文勢不能振起也

乃走荆施求蜀中壯士

經年始反與劉大雄朱元成王漢陳邦杰胡瑛邱起華鍾大聲季雨霖徐竹平張佩紳邱介甫熊子香殷勤道熊牧黔張漢何通等設日知會於武昌專與軍學各界結籌大舉且時以講學畜德相勵勉一時人心大爲感發革命風雲彌漫鄂中光緒三十二年冬湖南萍鄉起兵不克陳邦杰死之鄂督張之洞務株連有葛口者僞入黨爲官耳目于是劉大雄胡瑛朱元成季雨霖殷勤道等皆被捕入獄自新變姓名走江右艱難險阻至庚戌冬竟亡命死年三十

鄒容字威丹四川巴縣人年十七遊學日本著革命軍
洋洋數萬言會章炳麟至日偉其議論爲潤色敍論出
版由是名大著後因事歸滬政府目二人爲逆名捕之
容聞炳麟先被捕因徒步詣獄自首曰我鄒容也啟鐵
檻亦入豪氣拂拂簡捷處頗似左傳翌年獄決炳麟禁錮三年容二
年未幾病死或云爲官吏毒斃疑莫能明也

劉大雄字貞一湖北潛江諸生母好佛大雄生不肉食
長不娶妻性穎悟少學佛老言及耶氏教典務躬行實
踐不尙空談平生莊敬雖盛暑不去衣冠與人交久而

敬

或謂党人有道德者必先死故民國不幸是說也余無以辯作者每於此等處表章惋惜有功於世道人

心不淺 孫文設同盟會於海外大雄則於武昌設日知會

日知會即同盟分會丙午萍鄉之事大雄被逮入獄供詞二千餘言鄂督張之洞讀之感激得減殺監禁竟死獄中死未三月而武昌師起時論惜之與大雄同捕者有朱元成號松平江陵人爲人誠摯類大雄而激烈過之亦死於獄

類敘處簡勁絕倫殆合盲腐爲一

陶成章字煥卿浙江山陰人素有大志談革命重實踐東渡入日本成城學校習陸軍頭角崢嶸時汪大燮爲駐日公使謀去之誘以爵祿令歸國既去而削其學籍成章自是謀革命志益堅乃與同黨徐錫麟組織光復

會以爲機關同志畢集錫麟之刺恩銘成章實與其謀因走浙江及南洋各島於新加坡創中興日報於仰光創光華日報於瓜哇立書報社及光復會分部海外僑商感其義輸貲甚鉅成章悉爲存儲靡毫髮侵蝕辛亥八月武漢事起乃返浙號召舊部恢復浙江事定往來杭滬欲自募兵經營北伐會抱病就醫於上海法租界廣慈醫院十一月夜成章方寢忽有二人西裝闖戶入揭其帳以短銃擊之破腦及腹移時卒侍者聞其音似女子人皆疑爲口都督所使其女子疑爲某氏云始成章所創光復會長江各省恢復功獨多同盟會嫉之見

則仇殺會長章炳麟。貽書孫文。規之。仇如故。及成章死。炳麟。蔡元培。皆書生。無所發揮。光復會。寢微。同盟會。獨盛於世。光復會與同盟會性質絕相類而不能相容。作者每於此處致意其曲直。自可於言外得之。

彭楚藩。字青雲。湖北武昌人。幼好讀書。著詩文。少長讀黃黎洲王船山諸先生遺書。慷慨奮發。復慕西鄉隆盛之爲人。蹶然思有所改革。入混成協礮隊爲兵。繼受學於劉敬安。被選爲日知會議員。事洩。下獄。既得出。肄業陸軍憲兵學校。四年卒業。充憲兵。宣統三年八月。與黨人孫武等。密圖舉事。部署既定。將發。事洩。被逮。總督瑞澂親鞠之。侃侃談不少諱。瑞澂窮其黨。楚藩厲聲曰。除